

V 9  
1018



f. 1



h. 19, 14. QM. XIX, 14.



**Keiserlicher Maie=  
stat Beleidt/auff den Reich=  
stag zu Regenspurg / Dem  
Churfürsten zu Sachsen  
vnd Landtgrauen zu  
Hessen sampt jhren  
mituerwanten.♦.**

**M. D. XLI.**

*Denn ist mir ist ung mir 1639 mir dani 17  
etco dani ist am gmir 13 mir gmir dani mir und 17  
gird 173 mir 23 mir 17 dani ist ung dani gird  
1633 dani dani dani 17 Am dani dani  
Danni mir 1639 dani dani dani*

119.



Matthias S. Smidt

Anno Domini  
1636

Das ist meine liebliche  
Herrin baldes fallen haben  
mich alle Zeit geliebet  
bis

Anno Domini  
1635





**Ir Karl Der Fünfft /**  
Von Gottes gnaden Römischer  
Keiser zu allen zeiten / Merer des  
Reichs / inn Germanien / zu Hispanien / bey=  
der Sicilien / Hierusalem / Hungern / Dalma=  
cien / Croacien etc. König / Ertzhertzog zu O=  
sterreich / Hertzog zu Burgundi / etc. Graue zu  
Wabsburg / Flandern vnd Tyrol. etc. Beken=  
nen öffentlich mit diesem Briue / Vnd thun  
kündt allermenniglich / Als wir zu vnserm an=  
gesetzten Reichstag zu Regenspurg / den Hoch=  
gepornen Johans Friderichen / Hertzogen zu  
Sachsen / Landgrauen inn Thüringen / Vnd  
Marggrauen zu Meissen / des heyligen Römischen  
Reichs Ertzmarschalck / vnd Philipsen  
Landtgrauen zu Hessen / vnsern lieben Ohmen /  
Churfürsten vnd Fürsten / auff ihr demütig an=  
suchen vnd bitte / Auch ihrer liebten Rethen /  
Hoffgesind vnd Dienern / mit aller derselben  
haaben vnd gütern / So sie vngenerlich bey sich  
haben / vnd mit bringen werden / vnser strack /  
frey sicher vnd Geleidt gegeben haben / zu be=  
rürtem vnserm angesetztem Reichstag / frey sich=  
er zu komen / Darauff so lang der weeren wir=  
det zu bleyben / vnd dadannen widderumb / bis  
inn ihrer sicher gewarsam abzuziehen / Doch das  
sie sich / wie sich gebürt / gleitlich halten sollen /  
inhalt vnser Briues darüber außgangen.

Das wir demnach / auff demütig ansuchen vnd  
bitte / der selben beyder Chür vnd Fürsten / seit=  
2 9 her an

her an vns beschehen / Solch vnser Gleidt vnd  
sicherheyt / auff yhrer liebten mitnerwanten inn  
der Religion sachen / Auch ihrer Botschafften /  
Ketthe / Theologos / Doffgesind vnd Diener / vñ  
die sie mit sich bringen / Odder auff angerech=  
ten vnsern Reichtags schicken werden / mit aller  
derselben haab vnd gütern / So sie vngeuerlich  
bey sich haben vnd mit bringen / erstreckt / Vnd  
ihnen allen als obsteht / die selb vnser strack's frey  
sicherheyt vnd Gleidt von newen gegeben / Auch  
ferrer ihrer liebten vergont vnd erlaubt haben /  
dass sie nicht alleyn auff obberurtem vnsern  
angesetztem Reichstage / biss zu ende desselben  
bleiben / sondern auch ihrer notturfft vnd gelegen  
heyt nach / Doch mit vnserm wissen / vnd gnedi=  
gen erlaubnus / vor aufsgang des gemelten  
Reichtags anheims ziehen / vnd andere an ihre  
stadt verordnen / Odder auff den angeregten vn=  
sern Reichstag schicken / die gleicherweis / vnser  
strack's frey sicherheit vñ gleidt / zu / auff vnd ab /  
dem gemelten vnserm Reichstag / biss inn yhr  
sicher gewarsam haben / vñnd geniessen sollen  
vnd mögen / Von vns vnd allermenniglich vn=  
uerhindert / Auch vnangesehen vnd vnuerhin=  
dert / aller Constitution / Satzungen / Decreten /  
Concilien / Edicten / Reichs abschieden / vnd al=  
ler anderer Besatzen / so hiewidder sein / odder ver=  
standen werden möchten / Denen wir hiemit  
inn diesem fall gantzlich Derogiert / Vnd wollen  
dass sie inn diesem fall widder solch vnser ver=  
gleytung keyn krafft noch stat haben sollen /  
Doch

Doch sollenn sich die gedachtenn vnnsere Chur=  
fürsten vnd Fürsten / vnd yhre Mituorwandten /  
vnd andere / als / obstehet / herwidderumb auch  
wie sich gebürt / gleytlich halten. Wir setzen /  
ordnen / vnd wollen auch hiemit / ob die Keligi=  
on sach / auff angesetztem Reichstag / nicht  
möchten vergleicht werden / Auch sonst kein bes=  
stendiger Friede gemacht / das nicht destowe=  
niger der Friedstandt zu Nürnberg / im Zwey=  
vnddreyszigsten Jar auffgericht / die zeit des itzt  
gedachten vnfers Reichstags / vnd nach aus=  
gang desselbenn Reichstags ferrer / auff wege  
vnd mass / wie wir vns des mit Churfürsten /  
Fürsten / vnnnd Stenden des Deyligen Reichs  
vergleichen odder bestimmen / bey seinen Kressen  
bleyben / vnnnd von Wemiglich steht vnd veltst  
gehalten werden sol. Vnd gepieten darauff al=  
len vnd itzlichen Churfürsten / Fürsten / geistlich=  
en vnd weltlichen / Prelaten / Grauen / Freyen /  
Derrn / Rittern / Knechten / Hauptleuten / Land=  
vogten / Ditzthumben / Vogten / Pflegern / Ver=  
wesern / Amptleuten / Schulteissen / Burgermei=  
stern / Richtern / Kethen / Bürgern / Gemeinden /  
vnnnd sonst allen andern vnsern vnnnd des Reichs  
vnderthanen / vnnnd getrewen / inn was wir den /  
standts odder wesens die sein / Ersilich mit  
diesem Brieffe / vnnnd wollen / das sie die genan=  
ten vnser Oheimen / Churfürst vnnnd Fürsten /  
den Hertzog zu Sachsen / vnnnd Landtgrauen  
zu Wessen / ihrer lieb Mituerwanten der Keligi=  
on sach / vnd derselben Botschafften / Kethen /  
A iij Theolo

79 1018. 81  
Theologen/Woffgesind/Diener/Verordenten /  
vnd Gesandten / mit allen ihren haab vnd gütern /  
so sie vngewerlich bey sich haben / vnd mit bring-  
gen werden / bey dieser vnser freien sicherheit /  
Geleidt / vnd declaration / berübigelich vnd gantz-  
lich bleyben lassen / Schützen / Schirmen vnd  
handhaben / vnd sie daran nicht irren odder be-  
schweren / Auch andern zuthuen nicht zuschen  
noch gestaten / inn kein weise / Als lieb ihnen sey  
vnser vnd des Reichs schwere vngnad vnd straff  
zuermeiden / Daran thuen sie gantz vnnsern  
willen vnd ernstliche meynung. Mit vrkundt  
dietz Bricues / besiegelt mit vnserm Keyserlich-  
en auffgedruckten Insigel. Geben inn vnser vnd  
des Reichs Stadt Speir / am sechs vnd zwen-  
zigesten tag des Monats Januarij / Anno etc.  
Im ein vnd viertzigsten / vnser Keyserthumbs /  
Im ein vnd zweintzigsten / Vnd vnserer Reiche  
Im fünff vnd zwentzigsten.

Carolus

Ad mandatum Cesaree et  
Catholice Maiestatis pro-  
prium.

Oberburger.




u/  
ni/  
na  
/  
za  
nd  
e=  
en  
ey  
ff  
rn  
bt  
d=  
nd  
n=  
c.  
/  
de

(X2205372)







Farbkarte #13

B.I.G.



er Maie=  
den Reich=  
burg / Dem  
Sachsten  
rauen zu  
pt jhren  
nten.°.

XLI.

*Handwritten text in a cursive script, likely a library inventory or description.*

719.

